



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Apparatus Doctrinae Sacrae**

Archdekin, Richard

Dilingae, 1687

Pars I. Apparatus & praxis Formæ pro Doctrina sacra proponenda.

urn:nbn:de:hbz:466:1-38464



PARS PRIMA
APPARATUS
ET
PRAXIS FORMÆ
PRO
DOCTRINA SACRA
IN CONCIONE PROPONENDA.

CAPUT I.

*Praxis pro artificio Memoria, & dispositione
Dictionis.*

I. Onuslum est, si orium suppetat, praestitum pro incipientibus, totam Dictionem scripto deducere, & in tria aut plura puncta dividere: & memoria causa singula puncta concludere cum aliqua Sententia que habeat aliquam connexionem cum initio puncti sequentis.

Pro Concionatore impedito, aut multum exercitato, necesse est puncta saltem summatis annotare, scribendo breviter praecipuas capita & membras sui discursus; ut est sententia, exemplum, similitudo, & scopus sive fructus ad quem intendit Auditores permoveare.

II. Artificium autem memoriae consitit in Imagine quadam rei dicendæ certo loco per imaginationem constituta, que dum recolitur, materiam, cum qua similitudinem haberet, facile in memoriam reducit. Exempli gratia: Concepis Aulam aliquam ejus omnes partes, & partium ordinem optimè nostrum & perspicuum habes. Si prima pars tua dictionis agat v.g. de Navigatione hujus vite ad portum salutis æternæ, posuis per Imaginationem in primo loco istius Aulæ, Anchoram tenui filo pendulam, ut ea cognitâ, materia tua que est de navigatione, memoriae occurrat. Si secunda pars sit v.g. de Militia hominis contra tentationes mundi, pro ea secundo loco stituis militem gladium vibrantem. Si tertia pars sit, de Victoria tentationum, tertio loco appendis coronam: & sic pro reliqua materia, apponenda est imago aut signum, quod judicas maximè idoneum ad suscitandum vivam sequentis materiae memoriam. Et ideo utendum est imaginibus vividis, & aliquid agentibus, que possint animum tuum vivaciter ferire.

III. Alia praxis est, in margine dictionis descriptæ, quinque aut sex locis appingere quales dixi notas, cum

R.P. Arfdek. Tom. III.

diversis materiae partibus connexas; aut, quod facilius est: Vocabula diversa in margine scribere, que ordinem, & diversitatem materiae significant. Possuntque ea vocabula in unam sententiam, aut versum redigi, ut, sicuti memoria fallat, sententia illa indicet quoisque ventum sit, & quid sequi debet. Exemplum talis versus aut sententiae sit, si dispositisti materiam de humilitatis prestantia: & illa v.g. fuerit i. quam Deo grata, 2. quam homini jucunda, 3. quam utilis saluti æternæ: Redigas puncta illa ad unum brevem versiculum, aut sententiam v.g. *Grata Deo, jucunda homini, poresque salutis*: aut ad quamcumque idoneam simili ordine familiarem tibi sententiam: & sic in quavis materia, inde experieris à decursu materiae preparatae memoriam non facile aberraturam.

IV. Si plura nomina propria certo ordine cupias retinere, redigantur ad voculam unicam, in quantum litteræ primæ singulorum nominum suo ordine continentur. Exempli gratiâ, ut retineantur nomina & ordo partium præcipuarum S. Scriptura reducuntur ad hoc breve vocabulum, *GELNUDE*: G. Genesis, E. Exodus, L. Leviticus, N. Numerorum, D. Deuteronomium, E. Evangelia Christi quartuor.

Sed quid si quis, fallente, aut turbata in dictione memoria, nihilominino meminerit eorum quæ ad dicendum paravit? remedium occurrendi tali accidenti præcipuum erit, paratum ante semper habere locum unum communem ad quæ possit ex tempore recurere. Talis præcipue locus esse poterit de *gloria & cælestis* felicitate, aeternitate, possessione omnis boni jucundi, utilis, honesti, & carentia omnis mali omnium sensuum qui continentur hoc vericulo, *Gustus, odoratus, auditus, visus, tactus*, ut infra v. Gloria. Vel de *Infernus pœnis* aeternis singulorum istorum quinque sensuum: quæ duo possunt ferre cum quacunque materia connecti; si minus, melius est carere connexione, quam omni dictione, ex duabus autem malis minus est eligendum.

CAPUT II.

Pro Voce.

I. **C**urandum ut vox accommodetur loco, ut in parvo non sit nimis alta, aut in magno nimis demissa, utrumque displaceat.

II. Si vox nativa sit imbecillior, oportet raro assurgere, aut affectui violento indulgere, sed familiariter ratione oratio varianda est.

III. In exordio utendum voce clara, & aequabili, sed sine affectatione, aut canillatione. In confirmatione magis attollitur & variatur. In confirmatione fit arior, & incitator, docendo, interrogando, disputando, incepando, ad varios affectus vocem inflectendo, quantum vires ac materia patietur.

IV. Epilogus si instituatur ad precludendum, vel placandum, vox sit suavis, & lenis. Ad misericordium flexanmis. Ad letandum plena & sonora. Ad hortandum aut terrendum concitator esse debet.

V. Ut hanc vocis varietatem discas & exerceas, optimum est confidere ipsam naturam, & observare quo tono passim utantur homines dum irascuntur, dum rogant, dum dolent, dum querantur &c. & quæ magis placent, tuæ voci quantum fieri potest accommodate.

VI. Maxima dictions parte consultum est ut vox media, ac moderata, sic facilis dabitur ascensus, descensus, ac vocis mutatio; nunquam enim in eodem tono diu persistendum est, sed observanda sedulè cerebra vocis mutatio, ut evitetur monotoniae vitium ingratissimum.

VII. Porro hæc summatim observanda. Ut caveatur nimia tarditas, quæ dictione reddit languidam: Nec minus cavenda nimia lingua volubilitas, quæ verba truncat, & confundit ne singuli sensus debite intelligantur. Curandum quoque diligenter ut ultimæ syllabæ exprimantur, quæ à multis absorbentur, aut indecorè conglobantur.

VIII. Denique ad evitandam confusionem, singulos sensus dicendo interpongat, & in fine periodi semper modicè respiret, & spiritum colligat, ac vocem mutet: quod plurimum & dicentem reficiet, & audientem afficiet.

CAPUT III.

Pro Gestu.

Gestus, vox quædam est totius corporis, ideoque pro gestu moderando accommodari possunt ea quæ de voce diximus.

I. In principio dictions stet erectus & immotus, spectet modestè auditores, manus in pulpitum protendat, ordiatur modestè auditoribus honorem, de more cum quadam corporis inclinatione, exhibendo. Manus autem non nisi leniter, ac paululum ultra finum protendat, oculus manum, ac gestum sequentibus.

II. Gestus non semper ad unam partem, sed nunc ad hos, nunc ad illos dirigat, tum ad gratiam varietatem, tum ut Orator à pluribus videri, & audiri possit.

III. In narratione adhibendus gestus liberior, in confirmatione arior & pugnacior: In Epilogu, & accommodatus affectibus, de quibus infra.

IV. Vultus quoque, oculus, & affectus in modo erectus & alacer, nunc demissus & tristis, pro rem varietate.

V. Uti cavenda est gestuum nimia lenitudo & tarditas, ita etiam nimia celeritas, aut levis gestus, aut etiam nimia valetas, qua manus ultra humeros, & caput attollatur.

VI. In supplicando, utraque manus protensa vel tollenda, vel submittenda est, quod etiam fieri post manibus junctis instar orantis.

VII. In averando, aut negando, capite ad dextram partem coquerto, & manibus ad sinistram, rem quæ se propellent. Vel etiam capite leniter concusso permutum renuentis.

VIII. Interrogabit, manu paululum elevata, & ad se ipsum conversa. Infabit vehementius, sumomus, manu sinistra apprehenso, & non nihil concusso nec desunt gestus alii.

IX. Demonstrandō scipsum; manum vel dextram, vel utrampque ad pectus suum converteret. Demonstrabit res alias, manu plerumque protensa, & sursum, vel deorsum, vel aliò conversa, prout est supra, vel initio situs rei quam cupit designare: raro id solo digitis, ciet.

X. Timorem exprimet, manu dexterâ pectori applicata.

XI. Irascetur, pugno compresso, voce & vulnus, & pectus manu, vel terram pede percussendo: id bene cavendum ne percussio illa sit nimis crebra.

XII. Penitebit, digitis pressis, & pectori admetit. Dolebit verò manibus inter se complicatis, vel utrum deorsim dejectis, & expansis.

XIII. Vocabit, aut sibi sistet aliud, manu sursum elevata, & ad se inflexa. Dimitret, aut repellere, muta aversa cum digitis explicatis. Minabitur, indice exto, & concusso. Altos denique affectus exprimes manus, oculi, capitum, aut aliorum membrorum motu, quem observabit ex impetu nature inter homines bellicos decorè exerceri, modò vites sequentia.

XIV. Cavebit ne sit nimis diuturna omnium gestuum intermissione; & è contra, ne gestus idem, praeterea in eadem sententia aut periodo, nimis sepe repatur.

XV. Solâ sinistrâ rarissime gestus exhibendus: raro tamen in gestu formando sinistra dexterè locu poterit, ut cum ostenditur rerum multitudine, & magnitudo: vel quando ad summos affectus ascendatur, in quibus quasi torus orator abripi videtur.

XVI. In fine debet ordinariè, ut vox & dictio, in gestus esse vivacior & vehementior, ut orator affectum quem intendit, altius infixum relinquat, & tamen, ut in meditatione, ad tristitiam, menem, ut compassionem oratio dirigatur, gestu etiam leniore, ut tardiori dictio absolvetur.

CAPUT IV.

Pro exordio dictions formando, & effundendo notanda.

I. Exordio auditor debet reddi benevolus, amitus, docilis. Hæc fient, à persona dicentes, commemoranda.

Pars I. Apparatus Formæ ad Doctrinam Sacram.

morando animum & affectum suum pro salute, utilitate, aut profectu auditorum. Vclamateria ostendendo rem ipsam de qua dicet, esse necessariam, utilem, aut praesenti tempori multum idoneam. Docilis erit auditor, si materia tractanda clare proponatur, & in sua membra vel puncta distincte dividatur, indicando, quid primo, quid secundo, quid tertio loco dicere intendat. Et hæc erit *propositio* rei dicendæ, quæ in fine exordii locari solet.

II. Desumi potest exordium, ab aliqua sententia Authoris sacri, aut etiam profani. Vel à proverbio, vel à similitudine, vel ab historia Evangelica, aut alia quæ avidè audiatur. Quandoque etiam proponitur questio, aut problema, de quo quasi varia auditorum sententia exquiratur, & cui tandem inopinata responsio deponatur.

III. Vitanda autem sunt exordia nimis communia, nimis prolixa, & nimis longè extra materiam quæfusa.

CAPUT V.

Pro Narratione.

I. Ebet narratio esse clara, brevis, & ordinata, ut nempe res eo ordine narrantur quo gestæ, aut dictæ fuerunt.

II. Concilianda est narrationi vita, v.g. interrogando quid hic factum, quid responsum putatis? quid vos hic ageritis? audite quid sequatur, &c.

III. Sic narranda est res preterita, ac si in præsenti, & coram ageretur. Ad hoc juvat uti verbis præsentis temporis: magis enim movet narratio Christi quasi ante oculos actu patientis, quam si tantum dicas talia olim passum fuisse.

IV. Cavendum ne bis, aut sepius in narrationis decursu idem repetatur.

V. Cavenda etiam crebra digressio ad alia extra rem gestam, aut longæ parentheses, quæ rei seriem interrumpunt.

VI. Affectus, et si breviter miseri possint, non debent tamen in narratione esse nimis frequentes, sed magis pro confirmatione & epilogi reservari.

CAPUT VI.

Pro Confirmatione, ejusque amplificatione, & ornato dictiorum.

I. In Confirmatione queruntur argumenta ad suadendum virtutem, vel disuadendum vitium, aut aliud quod sibi Orator tractandum proposuit. Argumenta haec primò summatim ex cogitanda, colligenda, & annotanda: postea fuisius deducenda, amplificanda, & exornanda.

II. Pro inventione argumentorum five discursuum, inspiciendum est Apparatus materia quem ordine Alphabetico infra tradimus. Deinde ad istius, vel alterius materiae amplificationem, & ornatum, considerari poterunt loci topicæ, five sedes argumentorum,

quibus quævis materia deduci & inculcati potest. Exempli gratiâ, si de charitate agatur (idem est de ceteris) expendi poterit locus à definitione. Quid est charitas? est unio animæ cum Deo, quanti momenti est illa unio, quam jucunda, quam utilis, quam honorabilis, ideoque omni labore comparanda. 2. Locus à partium enumeratione: Charitas alia est interna affectuum, alia externa operum; alia erga Deum, alia erga proximum propter Deum. 3. Locus à Generi: Si omnis virtus amanda est, ut justitia, temperantia, continentia, humilitas, mansuetudo, fides, spes &c. quanto magis charitas quæ est supra, & regina omnium virtutum. 4. Locus à simili: Sicut elementum non potest requiescere nisi in suo centro, ignis in celo, lapis in terra, ita anima in sola charitate & unione cum Deo requiem habet. 5. Locus à dissimili: Sicut separatio membrorum à corpore est violenta, ita animæ à charitate Dei. Locus à contrario: Si odium & aversio à Deo summum sit hominis malum, sic debet amor Dei summum esse hominis bonum. 6. Locus ab adjunctis est in quo considerantur omnes circumstantiae cum re conjunctæ, ut locus, tempus, actus & modus, & finis quo res exercetur &c. que continentur hoc verbi; *Quis, quid, ubi* &c. quem infra explicamus in exemplo dictiorum ex Apparatu formandæ. 7. Locus est à causis, in quo res comprobatur, vel improbatur à sua causa materiali, aut formalis qua constat, à finali ad quam dirigitur, ab exemplari cuiuslibet similatur. 8. Locus ab effectis, sive effectibus bonis, aut malis, qui rem faciunt amorem, aut odio dignam, uti quod charitas faciat hominem filium Dei, harredem cœli, pium, benignum, patientem, Deo & hominibus acceptum. 9. Locus à comparatione, sive à majori, minori, & paritate rationis. Ut si sponsa gaudet coniubio cum nobilissimo sponso, qui tantum est creatura; quanto magis gaudere debet anima per charitatem uniti Deo, qui est omnium creator. Et hic locus ad amplificandum latissime patet. Uti & locus ab autoritate, testimonio, & exemplis quæ infra in Apparatu latius deducimus.

Pro exhortatione dictiorum, faciunt tropi, & figuræ sive verborum, sive sententiarum, per quas sermoni varietas, copia, & elegancia conciliatur. Precipuas hic recensebimus, ut orator, non omnes simul, sed modò has, modò illas, instar condimenti dictiori asperget, prout materiæ sue convenire judicabit. Tales tropi in verbis sunt Metaphora, Synecdoche, Meronomia, Antonomasia, Onomatopeia, Catachresis, Metalepsis. In Oratione sunt, Allegoria, Periphrasis, Hyperbaton, Hyperbole.

Ex figuris præcipuae sunt, repetitio, conversio, complexio, gradatio. Item, similiter cadens, contrapositum, commutatio.

Figuræ quæ non in vocibus, sed integris sententiis usum habere possunt præcipue sunt, interrogatio, responsio, subiectio, occupatio, correccio, dubitatio, profopoeia, apostrophe, hypotiposis, suffentatio, prætermisso, ironia, permisso, deprecatione, exclamatio.

Modum quo haec figuræ, aut tropi in oratione formantur, si non meminerit orator, consultum est ut ex Rhetorica eum recolat, & singulorum exempla præcipua

cipua hic infra dabimus post Materię Apparatum alphabeticum.

CAPUT VII.

Pro Dictionis Epilogo, sive Peroratione.

I. **A**rs quæ traditæ est pro confirmatione amplianda, & exornanda, valet etiam pro Peroratione formanda. Imo hic potissimum omnes eloquentiae fontes & affectus exprimendi erunt, ut Auditori motu quem intendit Orator impressum relinquant.

II. In hunc finem debet ipse orator dicendo ostendere se penitus permotum esse. Nihil enim incendit, nisi ipsum prius incensum fuerit. Ut Cicero perorando pro commiseratione erga Milonem, profitebatur se non posse lachrymas continere.

III. Conficitur autem Peroratio magna parte, ex brevi enumeratione argumentorum quibus in oratione rem à se intenta Orator probavit, ea animis

Auditorum altius ac vehementius inculcando, hoc modo: Si jam ostenderimus quam sit virtus charitatis jucunda, quia hominem Deo conjungit; quam sit utilis, quia reddit regni caelestis haeredem; quam necessaria, quia sine ea anima à Deo perpetuo separatur &c. quis eam totis viribus non querat, & completur.

IV. Hæc autem enumeratio argumentorum non debet esse simplex & jejuna repetitio, sed novis subiectis sententiis, ac figuris cum pondere insperata, ac variata. Cavendum tamen ex altera parte, ne argumenta illa iterum prolixè deducantur; sed compendio abdulantur, sic enim non esset enumeratio, sed potius altera oratio.

Confultum autem est, ut claudatur oratio per quam brevem, ac nervosam sententiam, quemque memoria Auditorum quasi aculeum infixum relinquit, ut eis illa S. Bernardi de malâ conficiens peccatoris: *Manet anxietas non relietur, fugit voluptas reditura.*

SUMMULA SEQUENTIUM

PRO PRAXI EXPEDITA INVENTIONIS MATERIAE.

Primò, sequitur hic Apparatus Materię, ex Sacris potissimum Litteris ordine alphabeticō breviter & commode digesta.

Secundò, sequitur brevis Index ejusdem Apparatus, ad quem facile recessit.

Tertiò, postea sequuntur puncta disposita per omnes Dominicās & Festa ex eodem Apparatu, & aliis quæ adducuntur in Catechesi nec non Controversiis, ceterisque materiis quæ supradicta Theologia Tripartita pertractantur.

Quarto, Traduntur partes singulæ Doctrinæ Christianæ selectis Exemplis ac Documentis illustratae; quibus succedunt alia ad functiones sacras pertinentia.

NOTA.

IN hac Editione varia accidunt *Additamenta*, Sententiae selectæ, Conceptus novi, & exquisiti ad singulos Alphabetis sequentes Titulos, ad singulas Dominicās, Festa, Catechesim &c. Hæc Sententiae, ac Conceptus adjecti facile ingentem præbebunt Materię Copiam, ornatum, acumen, ac varietatem: Præsertim si latius deducuntur juxta proximam Sententiae deducendam post finem sequentis Alphabeti infra §. 2.